

郑成功

晉江地区

文化局
文管会

編

=48

3

前 言

我国历史上伟大的爱国主义者，民族英雄郑成功，率领三万多个健儿，飞渡台湾海峡，于一六六二年二月一日，从当时号称海军强国荷兰侵略者的手中，夺回了祖国的神圣领土台湾。並立即组织人力，积极开发当地资源，从农业、工业、商业、渔付业等，建设这一美丽富饶的海岛，为祖国立下了不朽的功迹。

郑成功收复台湾到现在，已经三百二十周年纪念。为了纪念这个光辉节日，为了追念这个英雄的历史人物，我们编印了郑成功这本小册子。全书共二十三人传文，系从《清史稿》、《泉州府志中》选出。包括在泉州府属地区活动，与郑成功、郑经、郑克塽直接有关的人物。

《清史稿》和《泉州府志》，对郑成功的看法，和我们现在是完全不同的。它把郑成功这个伟大的爱国主义者，描写成反贼、流寇一类的东西。有的地方甚至竟歪曲历史事实，对郑成功加以丑化。这是时代的局限，和社会环境的束缚所造

但是从驱逐外国侵略者，收复祖国领土台湾这一件历史事实来说，郑成功这个光辉的英雄形象，无疑是值得我们子子孙孙千百万世，永远景仰和纪念的。

我们编印这本小册子，仅作为研究郑成功的参考资料，由于时间匆促，资料缺乏，水平有限，错误之处，希读者多多指正。

编 者

一九八二年五月

目 录

郑 成 功.....	1
附：郑成功逸事.....	9
郑 克 塽.....	12
济 度.....	15
王 忠 孝.....	16
阮 昱 锡.....	18
陈 锦.....	19
田雄 马得功.....	21
朱 克 简.....	23
成 性.....	25
杰 书.....	27
沈 光 文.....	29
拉 哈 达.....	30
姚 启 圣.....	31
施 琅.....	35
杨捷 石调声.....	40

万正色.....	43
吴英.....	45
李光地.....	48
觉罗满保 陈策.....	54
陈伦炯.....	56

郑 成 功

郑成功，初名森、字大木，福建南安人。父芝龙，明季入海，从颜思齐为盗，思齐死，代领其众。崇祯初，因巡抚熊文灿请降，授游击将军。以捕海盗刘香、李魁奇，攻红毛功，累擢总兵。

芝龙有第三子，芝虎、鸿逵、芝豹。芝虎与刘香搏战死。鸿逵初以武举从军，用芝龙功，授锦衣卫掌印千户。崇祯十四年，成武进士。明制，勋卫举甲科进三秩，授都指挥使。累迁亦至总兵。福王立南京，皆封伯，命鸿逵守瓜州。顺治二年，师下江南，鸿逵兵败，奉唐王聿键入福建，与芝龙共拥立之，皆进侯，封芝豹伯。未几，又进芝龙平国公、鸿逵定国公。

芝龙尝娶日本妇，是生森，入南安学为诸生。芝龙引谒唐王，唐王宠异之，赐姓朱，为更名。寻封忠孝伯，唐王倚芝龙兄弟拥重兵。芝龙族人彩亦封伯，筑坛拜彩、鸿逵为将，分道出师，迁延不即行。招抚大学士洪承畴与芝龙同县，通书问，叙乡里，芝龙挟二心。三年，贝勒博洛师自浙江下福建，芝龙撤仙霞关守兵不为备，唐王坐是败，博洛师次泉州，书招芝龙，芝龙率所部降，成功谏不听。芝龙欲以成功见博洛，鸿逵阴纵之入海，四年，博洛师还，以芝龙归京师，隶汉军正黄旗，授三等精奇尼哈番。

成功谋举兵，兵寡，如南澳募兵，得数千人。会将吏盟，仍用唐王隆武号，自称“招讨大将军”。以洪政、陈辉、杨才、张正、余宽、郭新分将所部兵，移军鼓浪屿。成

功年少，有文武略，拔出诸父兄中，近远皆属目，而彩奉鲁王以海自中左所改次长垣，进建国公，屯厦门。彩弟联，鲁王封为侯，据梧屿，相与为犄角。成功与彩合兵攻海澄，师赴援，洪政战死。成功又与鸿逵合兵围泉州，师赴援，围解。鸿逵入揭阳，成功颁明年隆武四年大统历。五年，成功陷同安，进犯泉州。总督陈锦师至，克同安，成功引兵退。六年，成功遣其将施琅等陷漳浦，下云霄镇，进次诏安。明桂王称帝，号肇庆，至是已三年。成功遣所署光禄卿陈士京朝桂王，始改用水历号，桂王使封成功延平公。鲁王次舟山，彩与鲁王貳，杀鲁王大学士熊汝霖及其将郑遵谦。七年，成功攻潮州，总兵王邦俊御战，成功败走。攻碣石寨，不克，施琅出降。成功袭厦门，击杀联，夺其军，彩出驻沙垵。鲁王将张名振讨杀汝霖、遵谦罪，击彩，彩引余兵走南海，居数年，成功招之还，居厦门。卒。

八年，桂王诏成功援广州，引师南次平海，使其族叔芝管守厦门。福建巡抚张学圣遣泉州总兵马得功乘虚入焉，尽攫其家资以去。成功还，斩芝莞，引兵入漳州。提督杨名高赴援，战于小盈岭，名高败绩，进陷漳浦。总督陈锦克舟山，名振进奉鲁王南奔，成功使迎居金门。九年陷海澄，锦赴援，战于江东桥，锦败绩。左次泉州，成功复取诏安、南靖、平和，遂围漳州。锦师次凤凰山，为其奴所杀，以其首奔成功。漳州围八阅月，固山额真金砺等自浙江来援，与名高兵合，自长泰间道至漳州，击破成功。成功入海澄城守，金砺等师薄城，成功将王秀奇、郝文兴督兵力御，不能克。

上命芝龙书谕成功及鸿逵降，许赦罪授官，成功阳诺，诏金砺等率师还浙江。十年，封芝龙同安侯，而使资赦封成

功海澄公、鴻遠奉化伯，授芝豹左都督。芝龙慮成功不受命，別為書使鴻遠諭意，使至，成功不受命，為書報芝龙。芝豹奉其母詣京師。成功復出掠福建興化諸屬縣。十一年，上再遣使諭成功，授靖海將軍，命率所部分屯漳、潮、惠、泉四府。

成功初無意受抚，乃改中左所為思明州，設六官理事，分所部為七十二鎮；遙奉桂王，承制封拜，月上魯王豚、米，并厚贖。溪、寧、靖諸王，禮待諸遺臣王忠孝、沈佺期、郭貞一、盧若騰、華若荐、徐孚遠等，置儲賢館以養士。名振進率所部攻崇明，謀深入，成功嫉之，以方有和議，召使還。名振俄遇毒死。成功托科餉，四出劫掠，蔓延上游。福建巡抚佟國器疏聞，上密敕為備。李定國攻廣東急，使成功趣會師。成功遣其將林察、周瑞率師赴之，迂延不即進。定國敗走，成功又攻漳州，千總劉國軒以城獻，再進，復陷同安。其將甘輝陷仙游，穴城入，杀掠殆盡，至是和議絕。

上命鄭親王世子濟度為定遠大將軍，率師討成功。十二年，左都御史龔鼎孳請誅芝龙，國器亦發芝龙與成功私書，乃奪芝龙爵，下獄。成功遣其將洪旭、陳六御攻陷舟山，進取溫、台，聞濟度師且至，驟安平鎮及漳州、惠安、南安、同安諸城，撤兵聚思明。濟度次泉州，檄招降，不納；易為書，成功依違答之。上又令芝龙自獄中以書招成功，謂不降且族誅，成功終不應。十三年，濟度以水師攻廈門，成功遣其將林順、陳澤拒戰，颶起，師引還。

成功以軍儲置海澄，使王秀奇與黃梧、蘇明同守。梧先與明兄茂攻揭陽未克，成功杀茂，并責梧。梧、明并怨成功，俟秀奇出，以海澄降濟度。詔封梧海澄公，駐漳州，尽

发郑氏墓，斩成功所置官。大将军伊尔德克舟山，击杀六御。成功攻陷闽安城牛心塔，使陈斌戍焉。十四年，鸿逵卒。师克闽安，斌降而杀之。成功陷台州。

十五年，谋大举深入，与其将甘辉、余新等率水师号十万，陷乐清，遂破温州，张煌言来会。将入江，次羊山，遇颶，舟败，退泊舟山。桂王使进封为王，成功辞，仍称招讨大将军。十六年五月，成功率辉、新等整军复出，次崇明、煌言来会，取瓜洲，攻镇江，使煌言前驱，沅江上。提督管效忠师赴援，战未合，成功将周全斌以所部陷阵，大雨，骑陷淖，成功兵徒跳击刺，往来剽疾，效忠师败绩。成功入镇江，将以违令斩全斌，继而释之，使守焉，进攻江宁，煌言次芜湖，庐、凤、宁、徽、池、太诸府县多与通款，腾书成功，谓宜收旁郡县，以陆师急攻南京。成功徂屡胜，方谒明太祖陵，会将吏置酒，辉谏不听。崇明总兵梁化凤赴援，江宁总管喀喀木等合满、汉兵出战，袭破新军，诸军皆奔溃，遂大败，生得辉杀之。成功收余众犹数万，弃瓜洲、镇江，出海，欲取崇明。江苏巡抚蒋国柱遣兵赴援，化凤亦还师御之，成功战复败，引还。煌言自间道走免。

上遣将军达素、闽浙总督李率泰分兵出漳州、同安、规取厦门。成功使陈鹏守高崎，族兄泰出梧屿，而与周全斌、陈辉、黄庭次海门。师自漳州薄海门战，成功将周瑞、陈尧策死之，迫取辉舟，辉焚舟。战方急，风起，成功督巨舰冲入，泰亦自梧屿引舟合击，师大败，有满洲兵二百降，夜沉之海。师自同安响高崎，鹏约降。其部将陈蟒奋战，师以鹏已降，不备，亦败，成功收鹏杀之，引还。十七年，命靖南王耿继茂移镇福建，又以罗托为安南将军，讨成功，十八年，用黄梧议，徙滨海居民入内地，增兵守边。

成功自江南败还，知进取不易，桂王入缅甸，声援绝，势日蹙，乃规取台湾。台湾、福建海中岛，荷兰红毛人居之。芝龙与颜思齐为盗时，尝屯于此。荷兰筑城二，曰赤嵌，曰王城，其海口曰鹿耳门。荷兰人恃鹿耳门水浅不可渡，不为备。成功师至，水骤长丈余，舟大小衔尾径进，红毛人弃赤嵌走保王城。成功使谓之曰：“土地我故有，当还我；珍宝恣尔载归。”围七阅月，红毛存者仅百数十，城下，皆遣归国。成功乃号台湾为东都，示将迎桂王狩焉。以陈永华为谋主，制法律，定职官，兴学校。台湾周千里，土地饶沃，招漳、泉、惠、潮四府民，辟草莱，兴屯聚，令诸将移家实之。水土恶，皆惮行，又以令严不敢请，铜山守将郭义、蔡禄入漳州降。是岁，圣祖即位，戮芝龙及诸子世恩、世荫、世默。

成功既得台湾，其将陈豹驻南澳，而令子锦居守思明。康熙元年，成功听周全斌谗，遣击豹，豹举军入广州降。恶锦与乳媪通，生子，遣泰就杀锦及其母董。会有讹言成功将尽杀诸将留厦门者，值全斌自南澳还，执而囚之，拥锦，用芝龙初封，称平国公，举兵拒命。成功方病，闻之，狂怒啗指，五月朔，尚据胡床受诸将谒，数日遽卒，年三十九。

成功子十，锦其长也，一名经。成功既卒，台湾诸将奉其幼弟世袭为招讨大将军，使于锦告丧。锦出全斌使为将，以永华为咨议，冯锡范为侍卫，引兵至台湾。诸将有欲拒锦立世袭者，全斌力战破之，锦乃入，嗣为延平王。世袭走泉州降。二年，锦还思明。泰尝与台湾诸将通书，锦得之，遂杀泰。泰弟鸣骏、麋，子纘绪亦走泉州降。诏封鸣骏遵义侯、纘绪慕恩伯，世袭、麋皆授左都督。诸将蔡鸣雷、陈辉、杨富、何义先后举军降。锦渐弱。

耿继茂、李率泰大发兵规取金、厦，出同安；马得功将降卒，并征红毛兵，出泉州；黄梧、施琅出海澄。锦令全斌当得功，遇于金门外乌沙，得功舟三百，红毛夹板船十四，全斌以二十舟入阵冲击，红毛炮皆不中，诸舟披靡，得功战死；而同安、海澄二道兵大胜，直破厦门。琅复进克金门、梧屿，锦退保铜山。三年，锦将杜辉以南澳降。铜山粮垂尽，全斌亦出降，封承恩伯。锦与其将黄廷坚守。继茂等复以水师出八尺门，廷与诸将翁求多等以三万人降，遂拔铜山，焚之，得仗舰无算。锦与永华及洪旭引余众，载其孥尽入台湾。改东都为东宁国，置天兴、万年二州，仍以永华综国政。

诏授施琅靖海将军，周全斌、杨富为付，督水师攻台湾，阻颺，不得进。四年，廷议罢兵。李率泰请遣知府慕天颜谕降，假卿衔，赍敕往。锦请称臣入贡如朝鲜，上未之许。六年，征琅入京师。撤降兵分屯诸省，严戍守界，不复以台湾为意。锦兵亦不出。相安者数年，滨海居民渐复业。

十二年，耿精忠将以福建叛应吴三桂，使约锦为援。十三年，精忠遂反，锦仍称永历年号。以永华辅长子克塽居守，与诸将冯锡范等督诸军渡海而西，入思明，取同安。锦以族人省英知思明，省英，芝莞子也。集舟航，整部伍，方引军复出，而精忠与争泉州。泉州兵内乱，精忠所遣守将溃围走，迎锦师入，复攻下漳州。精忠遣兵围潮州，潮州总兵刘进忠降于锦，锦遣其将赵得胜入潮州，击破精忠兵。

锦更定军制，以锡范及参军陈绳武赞画诸政，诸将刘国轩、薛进思、何佑、许辉、施福、艾祯祥分领各军。省英为宣慰使，督各郡钱粮，令人月输银五分，曰“毛丁”；船计丈尺输税，曰“梁头”。盐司分管盐场，盐石值二钱，征饷

四钱；饷司科什税给军。复开互市，英圭黎、暹罗、安南诸国市舶并至，思明井里烟火几如承平时。

十四年，精忠使贺年，锦亦报礼，自是复相结。永春民吕花，保所居村曰“马跳”，不应征索，使进忠围之，三月不下，诱花降而杀之。续顺公沈瑞屯饶平，进忠攻之，何佑击破援兵，遂执瑞及其孥归于台湾。海澄公黄梧卒，子芳度保漳州。锦自海澄移军万松关，右亦自潮州攻平和，降守将赖升。芳度孤守漳州，围合，总兵吴淑以城降，芳度死之，其孥皆殉。

十五年，康亲王杰书下福建，精忠降，克泉州，国轩复围之，两月不下。李光地迎师自间道赴援，总兵林贤、黄镐、林子威以舟师会，国轩退次长泰，蹙同安，稍进屯漳州溪西。师进击国轩，国轩败，弃长泰走。锦将许辉以二万人攻福州，壁乌龙江。康亲王遣付都统喇哈达等渡江奋击，破其垒，逐北四十里。兴、泉、汀、漳诸郡尽复，惟海澄未下。十六年，师克海澄，锦复破之，遂围泉州。锦下教叙国轩、淑、右等功。付都统穆赫林等克泰宁，建宁、宁化、长汀、清流、归化、连城、上杭、武平、永定，凡十县。喇哈达等解泉州围，锦撤兵还思明。十七年，康亲王遣知府张仲举招锦，不纳。

国轩自长泰退据三汊河、玉洲、水头、镇门诸寨，屡遣兵攻石码、江东桥。锦又遣其将林耀、林英犯泉州，提督段应举击破之，获耀。吴淑又自石码登陆，海澄公黄芳世、都统孟安击破之，沈其舟。上令复徙滨海民如顺治十八年例，迁界守边。穆赫林、黄芳世会师湾腰树，攻国轩，师败绩。国轩陷平和、漳平，遂复破海澄，段应举、穆赫林及总兵黄蓝死之。蓝，梧族，芳度所遣诣京师奏事者也。国轩进围泉

州。诏趣诸军合击，将军喇哈达、赖塔，总督姚启圣，巡抚吴兴祚，提督杨捷，分道并进，贤、镐、子威以舟师会，克平和、漳平、惠安，复解泉州围。启圣与赖塔等逐国轩至长泰，及于蜈蚣山，大破之，斩四千余级，进克同安，斩锦将林钦。赖塔又破锦兵万松关，启圣、捷及付都统吉勒塔布等，与国轩战于江东桥、于潮沟，国轩屡败。付都统瑚图又击吴淑于石街，尽焚其舟。锦敛兵退保思明。

诏厚集舟师，规取金、厦。十九年，兴祚出同安，与启圣、捷会师，自陆路响厦门。提督万正色以水师攻海坛，分兵为六队前进，自统巨舰继；又以轻舟绕出左右，发炮毁锦师船十六，兵三千余入水死，锦将朱天贵引退。正色督兵追击，斩锦将吴内、林勋。湄洲、南日、平海、崇武诸澳皆下。天贵出降。付都统沃申击破锦将林英、张志，水陆并进，趋玉洲，国轩走还思明。锦将苏堪以海澄降。启圣分遣总兵赵得寿、黄大来从赖塔击破陈洲、马洲、湾腰山、观音山、黄旗诸寨。兴祚复与喇哈达等逐锦兵至浔尾，遂克厦门、金门，锦还台湾。二十年，锦卒。

子克璽，自锦出师时为居守，永华请于锦，号“监国”。年未冠，明察能治事，顾乳媪子锡范等意不属，先构罢永华兵，永华鬱鬱死；及锦卒，遂共缢杀克璽，奉锦次子克埭嗣为延平王。

克埭幼弱，事皆决于锡范。行人傅为霖谋合诸将从中起，事泄，锡范执而杀之，并及续顺公沈瑞。诏用施琅为水师提督，与启圣规取台湾。二十二年，国轩投书启圣，复请称臣入贡视琉球。上趣琅进兵。时国轩以二万人守澎湖。六月，琅师乘南风发铜山，入八罩屿，攻澎湖，击沉锦师船二百，斩将吏三百七十有奇、兵万余。国轩以小舟自吼门走台

湾。七月，克塽使请降，琅疏闻。上降敕宣抚，克塽上降表，琅遣侍卫吴启爵持榜入台湾谕军民难发。八月，琅督兵至鹿耳门，水浅不得入，泊十有二日，潮骤长高丈余，群舟平入。台湾人咸惊，谓无异成功初至时也。克塽及国轩、锡范率诸将吏出降，诣京师，上授克塽公爵，隶汉军正红旗，国轩、锡范皆伯爵。诸明宗人依郑氏者，宁靖王术桂自杀，鲁王子及他宗室皆徙河南。上以国轩为天津总兵，召对慰勉。眷属至，赐第京师。克塽请为成功子聪、锦子克举等叙官，上特许之。光绪初，德宗允船政大臣沈葆楨疏请，为成功立祠台湾。

（《清史稿》卷三〇、九一五八页）

（《福建通志》总卷三十四，分卷三十）

附： 郑成功迹事

据《南安县志》载：清人潘澄洋《咏郑延平王》诗云：“一节撑天翊一朝，忠魂万古气难消。锡来玉仗闽南寄，师到金陵蓟北摇。片旅偏安虽有恨，全台血食永无桃。古今成败都休论，耿耿丹心独远超。”

县志艺文又载有：《清刑部尚书明珠康熙八年奉命赍诏往台招抚书》、《郑经复明珠书》、《耿继茂复与郑经书》、《郑经又复明珠书》、《郑经复耿继茂书》、郑经书《石井乐斋郑公暨妣郭氏墓志》、郑克塽《郑延平王附葬祖父墓志铭》，均为研究郑成功之重要资料。

据乾隆《泉州府志、纪兵》载：清顺治元年，郑

联、郑彩据厦门。

四年，郑成功寇海坛不克，退回鹭岛，顿兵鼓浪屿。伪黄恺等索饷安平镇（恺科敛苛急，民无聊生，成功后杀之）。八月郑鸿逵攻泉州，列营于桃花山，泉州绅郭必昌子显为内应，提督赵国祚杀之，灭其家，并系明大学士黄景昉等。九月，漳州王进来援，围解。伪水兵官破溜石，炮城参将解应龙死之。是月南安寇庄廷、张益率众万余围城，焚冲霄塔，毁云龙桥。

五年三月，郑成功据同安。七月，大兵至复之，杀伪守官邱缙、林壮猷等。

七年八月，郑成功并郑联、郑彩军于厦门。

八年，巡抚张学圣调提督马得功攻入厦门。八月成功还复据之。十一月提督杨名高援漳，与郑成功战于小盈岭，败绩。

九年，总督陈锦驻同安县，攻厦门，不克而还。九月，固山金砺率兵万骑屯泉州。

十年，固山金砺与郑成功大战于厦门岛天妃宫，乘胜攻海澄，寻复为贼所陷。六月，遣郑芝龙招抚郑成功不就。

十一年，郑成功遣其党沿乡索饷。

十二年三月，官军自泉州出，攻两岛，为暴风飘回。分兵攻白沙，弗克而还。

十六年，郑成功寇江南，兵败，归厦门。

十八年郑成功入台湾据之。

康熙元年五月，成功死，子经伪袭。

二年十月，水师提督施琅，与海澄公黄梧、总督李率泰、陆路提督马得功攻厦门，得功船为贼所围，死

之。郑经弃厦门、金门，走铜山。大兵入厦门，虚其地而还。

三年三月，郑经遁入台湾。

十三年三月，耿精忠反，伪檄至泉。提督王进功，纵诸将劫掠，诸县俱降。郑经遣刘国轩、何佑、冯锡范入厦门。五月，郑经复据厦门。六月经入泉州城，遣伪将刘国轩败精忠兵于涂岭。

十六年二月，大兵至泉。郑经走厦门，各县以次恢复。四月，山贼蔡寅以白巾为号，伏芋溪桥劫夺官兵餉银。遂屯聚数千，掠乡村两界，人被其害。总兵黄兰会剿，捣其穴，遂至仙人旗山下，大败之。敌始逃散，蔡寅入海。

十七年，郑经取同安、南安、安溪等县。是月，山贼蔡寅又率众攻安溪。二十八日郡城兵至乃解。七月贼刘国轩寇同安，都统雅大里遁归泉州。国轩遂围泉州。时国轩水陆并进，攻南安，杀守将。诸县守兵相继弃城遁。贼攻泉南，城墮四十余丈，我师筑短墙以守。会天大雨，城不克拔，相持两月，援兵四集，围乃解。

二十年正月，郑经死，子克塽伪袭。

二十二年六月靖海将军施琅会各镇官兵破澎湖。七月，我师入台湾，克塽降，设一府二县。

《南安县志》又载郑成功《焚青衣告圣庙文》云：“昔为孺子，今为孤臣。向背去留，各行其是。谨谢儒服，惟先师昭鉴之。”“焚青衣处”在南安丰州邑东孔庙旁。

又载：梁兴玉，字日振，号璞溪，二十八都人。少孤，遭乱，被掳至海，容貌奇伟。郑成功见而异之，授

亲军协卫，寻加都督同知，给剑印。后隐居翔云山。

郑成功故乡南安石井，建有纪念馆。墓原葬台湾。克塽降清，请迁葬，令弟克举办理，于康熙三十八年（1699年）五月廿二日卯时，附葬于南安县水头公社康店覆船山。八〇年国家拨款修建陵园，八二年国务院公布为第二批国家重点保护文物保护单位。

附： 郑 克 塽

为了从另一方面了解郑成功事迹，特从清乾隆版《泉州府志、封爵》（卷四十）选载郑克塽传文附后，内容略有异同，可以作比较鉴别。

焚青衣事记载较为明确。

郑克塽，南安人，以台湾降，封汉军公。先是，克塽高祖绍祖，生子芝龙，小名一官，字飞黄。落魄无赖，尝亡命日本，娶倭妇生子森，字大木。

芝龙复去为群盗，与颜思齐等辟台湾地。明崇祯元年，降于督师熊文灿，以征生黎，逐荷兰功，稍迁都督。三遣人黄金帛，请森于倭，时生七年矣。

（森）风仪整肃，颇异常儿，十五补弟子员。癸亥，又六年甲申，李自成犯阙，庄烈帝殉国。我（清）世祖章皇帝，扫除妖祲，定鼎京师，二年，唐王窃号福州，伪封芝龙侯爵，加太师。芝龙以森见唐王，奇之，抚其背曰：“惜无一女配卿。”赐姓朱，改名成功，故称国姓。是岁成功之母翁氏归

自倭，其时芝龙已密奉天朝招抚。唐王亦稍知之。成功入侍，见王不乐，启曰：‘殿下得无以臣父有异志，臣当以死捍殿下也。’

三年秋，大师入闽，唐王败，芝龙降，强成功不从。我贝勒王以芝龙送京师，成功母死于兵，遂谋为寇，携所著衣巾，焚于南安文庙。仰天歔歔曰：‘昔为孺子，今为孤臣。谨谢儒服，唯先师昭监。’再拜而去，与所善陈辉、洪旭等九十余人，收兵南澳，得数千人。文移，自称忠孝伯大将军，罪臣国姓。国姓、忠孝伯皆唐王所命，故遂窃以为伪号。

四年，衡王窃号肇庆，成功遥奉伪朔，召旧将集鼓浪屿。七月，会厦门郑联、郑彩军寇海澄。八月，败我提督赵国佐于桃花山，围泉州。九月，我副将王进援至，围解。

五年三月，入据同安，复寇泉州。七月，我总督陈锦、李率泰、佟国器复同安，成功回岛。

六年三月：寇漳浦，下云霄、诏安，屯分水关，衡王遣使封成功为伪延平公。

七年入潮，败我提督邵于潮阳，围潮州不下，遂入揭阳，与其叔鸿逵合军。八月，并郑联、郑彩军据金厦两岛。海上军四万余皆属焉。

八年，我师克厦，复陷，施琅来归。九年正月，陷海澄，围漳州，厮养库成栋刺我总督陈锦以献，成功赏而杀之。十月，我师援至，乃退保海澄。十年，我师攻之不克。

十一年，朝议招抚，成功乘机登岸，索饷于福、兴、泉、漳诸郡。十二月，寇漳州，我镇标刘国轩纳之，十邑复陷。进掠泉州，围不克解去。分所部为七十二镇，署诸伪职为六官，设储贤诸馆，有所刑赏、封拜，辄朝服北向疏而焚之，以煽诱愚民。